

YANGI O'ZBEKISTONNI YOSHLAR BILAN BIRGA QURAMIZ!

BUXORO YOSHLARI



2020-YIL,
JUL, № 14
(434)

IJTIMOIY-SIYOSIY, MA'NAVIY-MA'RIFIY, ADABIY-BADIY GAZETA

2001-yildan chiqsa boshlagan

buxoro-yoshlari.uz

@by_gazetası



Карантин қоидалари кучайтирилганда, қатор идора, ташкилотларда меҳнат фаолияти масофавий усулга ўтди. "Call markaz"ларда эса иш қизғин

ШУКУҲЛИ ВА САОДАТЛИ АЙЁМ МУБОРАК!

Ўзбекистон мусулмонлари идораси томонидан жорий йилнинг 31 июль санаси Қурбон ҳайти, деб эълон қилинди.

Жаннатмонанд юртимизнинг барча фуқароларни шукуҳли ва саодатли айём - Қурбон ҳайти муносабати билан самимий муборакбод этамиз.

Барчангизга меҳр-оқибат, саҳоват, баҳт-саодат, узоқ умр тилаймиз. Хонадон-

ларингизни файз-у барака ва осоишталик тарк этмасин!

Оғир ва синовли кунларни сабру-бардош билан енгиг ўтишимизда, эзгу интилиш яшларимизда Яратганинг ўзи ҳамиша мададкор бўлсин!



БИРГАЛИКДА, БИР КУЧ БЎЛИБ!



Ўзбекистон ёшлар иттифоқи вилоят Кенгаши ҳамда Маҳалла ва оиласи қўллаб-қувватлаш вилоят бошқармаси ташабbusi билан билан "Фидой ёшлар" отрядлари шакллантирилиб, улар "Call markaz"ларда бириктирилди. Ҳар бирининг саломатлиги хавфсизлиги тўлиқ таъминланган.

Бухоро давлат хизматлари агентлиги биносида ташкил этилган мазкур "Call markaz" "1197" телефон рақамига уланган. Пандемия шароитида иқтисодий мушкул ахвозда қолган кам таъминланган, ижтимоий ҳимояга муҳтоҳ, якка-ёлғиз ҳамда вақтинча фаолиятини тұхтатган якка тартибдаги тадбиркорлар хонадонларига кўмак бериш, уларни озиқ-овқат маҳсулотлари билан таъминлашга қаратилган.

- Марказ вакиллари барча туман, шаҳарларда тузилган штаблар билан онлайн боғланиб, кунлик таҳлиллар олиб боришади. Аҳолидан бир кунда камида 225 га яқин тушаётган мурожаатлар тегишиллиги бўйича манзилларга йўналтирилиб, ижроси таъминланади. Мурожаатлар тезкорлик билан маҳсус назоратдан ўтказилади ҳамда кўмак гурухи орқали хонадонларга белгиланган микдордаги озиқ-овқат маҳсулотлари етказилади; дейди "Call markaz" вакили Ислом Шарипов.

ЎРИНЛАР ВА ДОРИ ВОСИТАЛАРИ ЗАХИРАСИ АҲВОЛИ ҚАНДАЙ?

Дунё ахлини тобора хавотирга солиб бораётган "Covid-19" тоҷдор вируси бугун манзил ва макон таъминланган. Ҳар биримизни эҳтиёткор ва ҳушёр бўлишга ундаяти.

"COVID-19" пандемиясининг олдини олиш ва унга қарши даволаш-профилактика ишлари сифатини тубдан яхшилаш бўйича зарур чоралар кўрилмоқда.

1330 ўринли 10 та стационар клиника мавжуд бўлиб, ундан ташқари, вилоят тери-таносил касалликлари диспансери, Физиатрия ва пульмонология маркази ҳамда Бухоро шаҳар тиббиёт бир-

лашмасида яна қўшимча 300 та ўрин ҳозирланган. 10 минг беморга етадиган, умумий қиймати 5 миллиард 200 миллион сўмлик 49 турдаги дори воситалари заҳираси шакллантирилган.

НАРХ-НАВОНИ СУНЬИЙ ОШИРМАНГ!

Жорий ойда вилоятда нон маҳсулотлари нархи ошишининг олдини олиш мақсадида 532 та корхона 7 минг 254 тонна ун маҳсулоти билан таъминланган. Жумладан, 240 та қолипли нон ишлаб чиқарувчи корхонага 2 минг 831 тонна, 284 та чакана савдо корхонасига 4 минг 386 тонна ва 8 та макарон ишлаб чиқарувчи корхонага 37 тонна ун етказилган.

Бухоро вилояти таъкидича, аҳоли орасида ваҳима

уйғотмаслик, бозорлардаги нарх-навонинг сунъий ошиб кетишига йўл қўймаслик мақсадида. Баш прокуратура ҳузуридаги иқтисодий жиноятларга қарши курашиб департamenti ва солиқ идораларида ишчи гурухлар тузилган. Улар томонидан деҳқон бозорлари ва иирик савдо мажмуналарида назорат тадбирлари ташкил этилиб, нархларни асосиз равишда оширганларга нисбатан қатъий қонуний чоралар кўрилмоқда.

МАРКАЗЛАР – МУАММОЛАРГА ЕЧИММИ?

Пандемия вазияти яна издан чиқиб, жорий йилнинг 10 июнидан карантин қоидалари қатъийлаштирилганча, Бухоро вилоят ҳокимлигига коронавирус инфекцияси кириб келишининг олдини олиш бўйича ташкил этилган маҳсус штаб қошида Тиббий маслаҳат ишчи гурухи ҳамда Аналитик марказ фаолияти йўлга кўйилди.

Биргина аналитик марказда 18 та йўналишдан иборат ишчи-гурух шакллантирилган эътиборга молик.

Маълумки, жорий йилнинг май ойидан бошлаб, Бухоро давлат Тиббий инститuti томонидан Тиббий маслаҳат ишчи гурухи тузилган эди. Ишчи гурух томонидан фуқароларга касалликлар ва уларнинг олдини олиш бўйича зарурий тиббий

маслаҳатлар берилади. Аҳолига тез тиббий ёрдам ва касалликларни эрta диагностика қилиш ҳамда самарали даво чораларини кўриш ишлари бажарилади.

Бу марказлар аҳолининг касалликка қарши тўғри ҳаракат қилиши, зарур тиббий маълумот ва маслаҳатларга эга бўлишини таъминлаш мақсадида тузилган.

ТИББИЙ ЖИҲОЗЛАР, "ТЕЗ ЁРДАМ" МАШИНАЛАРИ ЕТАРЛИМИ?

Бухоро тиббиёт муассасалари тоҷдор вирус билан даволанаётган беморларга ёрдам бериш, уларга нафас йўлларида келиб чиқаётган муаммоларга қарши самарали курашда кислород таъминотини яхшилаш мақсадида 50 дона тиббиёт концентратори 92 дона маҳсус СИПАП аппаратлари билан жиҳозланди.

Вилоятда пандемия давридан ҳозирга қадар 5300 дан ортиқ фуқаролар карантинга олинган. Ҳудудда 15 та тез тиббий ёрдам бригадаси ва 15 та маҳсус реанимацион бригада фаолият кўрсатади. Шунингдек, оиласий поликлиника-ларидаги мавжуд "Тез ёрдам" машиналарига кўшимча равиша "Дамас" автомашиналари ажратилмоқда.

ЧЕГАРА-НАЗОРАТ БЛОК ПОСТЛАР ЎРНАТИЛДИ

Бухоро ҳудудида 68 та чегара-назорат блок пости ташкил этилган. 512 нафар ички ишлар идоралари, 72 нафар "миллий гвардия" хизмати, 40 нафар Мудофаа ишлари бошқармаси, 10 нафар Божхона бошқармаси ходимларидан иборат таркиб хизмат кўрсатмоқда.



Моҳичеҳра Салимова: “Менинг баҳтим, аҳдим – санъат!”

- Мусиқа ҳаётимнинг бир бўлгига айланаб ултурсан. Бошланғич синфда ўқиб юрган кезларимда кичик-кичик саҳналарга чиқиб, мусиқага, кўйга меҳр қўя бошладим.

Устозларим ва ота-онам истеъодимни пайқаб, иктидорими кўллаб-кувватлашиб, кўмакларини аямади. Айниқса, бувижоним қандай тадбир ёки танлов бўлмасин, ҳар гал бирга бордилар, ҳамиша дудода бўлдилар. Ўлаб қарасам, санъат оламида камол тоғлишимда мендан кўра, бувижоним кўпроқ қайғурган экан. Бугун катта саҳналарга чиқишимда бувим сабабчи, десам адашмаган бўламан, - дейди Бухоро ихтисослаштирилган санъат мактаби ўқувчisi Моҳичеҳра Салимова.

Санъатнинг анъанавий хонандалик йўналишида ижод қилиб келаётган 17 ёшли қизнинг тиник ва жўшқин овозини тинглаб, беихтиёр кўнглингиз мароқка тўлади, кўнглингиз олқишига югради. Ҳаётда кувнок ва ҳамиша завқга тўла Моҳичеҳра самимийлиги билан ҳам атрофдагиларнинг меҳрини қозонган. Унинг мавждор ва кўнгилларни забт этувчи қўшиклини тинглаб, бошловчи хонанда, демайсиз, зеро, у ёш бўлишига қарамай, катта санъат майдонига аллақачон қадам қўйиб ултурган.

Моҳичеҳра миллий ва жаҳон мумтоз мусиқаларини ҳам ижро этади. Мумтоз мусиқаларини ижро этиш қанчалик қийин бўлишига қарамай, маҳорат билан куйлайди. Қаюм Курбонов, Дилмурод Хўжаев, Абдураслун Саидов каби узостларидан дастлабки мусиқа таълимини олган.

У ҳозирда Бухоро ихтисослаштирилган санъат мактабида мақом йўналишида таҳсил олмоқда. Бу ерда

устози Толиб Темировдан мақом сирларини чуқурроқ ўрганиб, ўз устида ишлапти.

Бугунга қадар жуда кўп танловларда иштирок этиб, ўз истеъодини синовдан ўтказган ва голиб бўлган. Узининг айтишича, лойиҳаю танлов ва тадбирларда иштирок этиб, ҳозиргacha юзга яқин диплом, сертификат ҳамда ташаккурномаларни кўлга киритган.

- Голибликка эришимасам, бу мен учун фожеа эмас, аксинча, сабоқ вазифасини ўтайди. Билмагданини билишга ва яна қайта ўрганиб, голиб бўлмагунимча иштирок этишдан тўхтамайман. Биргина “Ягонасан, муқаддас Ватан!” танловида бир неча йил қайта-қайта иштирок этиб, ўтган 2019 йилда Республика иккинчи босқичида 2-дараҷали диплом билан тақдирландим, - дейди ёш хонандамиз кулиб.

2016 йилда “Камалак юлдузлари” болалар ижодиёти фестивалининг мамлакат босқичилауреати бўлди. Қозон шаҳрида бўлиб ўтган “Живой родник” ҳалқаро мусиқа фестивалида 3-ўринни эгаллаб, Нью-Йорк шаҳридаги “Корнеги Холл” мумтоз мусиқа залида лауреатлар концертидаги иштирок этиш учун таклифномани кўлга киритган.

“Менинг баҳтим, аҳдим – санъат!” - деб интилишу изланишдан тўхтамайдиган Моҳичеҳранинг янада улкан ютукларга эришишига тилак дошмиз.

Зулфизар Мавлонова

Таклиф

Қўл қовуштириб туриш вақти эмас...

30 июль – “Халқаро одам савдосига қарши курашиш куни”

Биз одам савдосига ҳар куни, ҳар соатда қарши туришимиз қерак. Ҳўш, одам савдосига қарши курашда дадил қадамлар ташлай олдикми? Бир неча йиллар илгари одам савдоси жиноятчилари алдовига учуб, юртидан кетган, узлигидан кечган, лозим бўлса, терроризм ўчига уфурган манзиллар оловида кўйган барча-барча юртошларимиз ҳакида маълумотга эгамизми?! Йўқ, аслида! Гоҳ-гоҳда телекранларда

пушаймонликда боши эгилган ватанфурӯшларни кўриб қоламиз, шунда ҳам жонимиз ачииди. Аммо кечирамиз, чунки улар шу юртнинг адашган фарзандлари, катталар этиборсизлиги оқибатида биздан кетган маҳаллadoшларимиз, тенгдошларимиз.

Дунё бўйлаб кенг қамровли тарғибот-ташвиқот ишларни, пандемиянинг таҳликали “хужуми”га қарамай, минглаб инсонлар “замонавий қуллик”нинг кўрбони

Ҳар қандай оғир вазиятта қарамай, чет элдан қайтолмаган юртошларимизни карантин қоидаларини кучайтирган ҳолда Ватанимизга қайтаришимиз керак.

“МЕҲР ВА ИЛҲОМНИ ОНАМДАН ОЛДИМ”

Она табиатнинг маҳорати шу қадар каттаки, кўз ташлаган ерингизнинг ўзида турфа рангларни кўрасиз. Яратганинг ўзи Буюк рассом эканига иймон келтирасиз.


Инсон кўлига қалам олиб, табиатдан кўзи кўрганини оқ қозога чизар экан, унга бор маҳоратига кўшиб, меҳрини ҳам тушира бошлайди.

Бухоро шаҳридаги 3-умумий ўрта таълим мактабининг 10-синф ўқувчиси Моҳларойим Аҳмадова беш йилдан бўён тасвирий санъатнинг рассомлик туридан сабоқ олади. Сабина Носирова ва Сергей Петровдан рассомчилик қоидаларини ўрганмоқда.

- Мен бирор чироили манзарани кўриши билан, дарҳол шу манзарани чизишга ошиқаман. Кўлimgа мўйқаламни олганда, атрофимдаги борликини унутаман. Дунёда ёғиз мен ва мен чиздётган сурат бордек, гўё. Чиза туриб, руҳим дам олади, кўнглим таскин топади. Таъёр бўлганда эса биринчи бўлиб онажонимга кўрсатаман. Чунки расм чизишга бўлган

ишишёқимни пайқаган ва чизгандаримдан кувонадиган инсон онам бўладилар. Расм чизишга нисбатан меҳр ва илҳомни ҳам онамдан оламан, аслида, - дейди Моҳларойим.

Моҳларойим ўзининг чизган суратлари билан қатор танлов ва кўргазмаларда қатнашган. Жумладан, “Ер



куррасида тинчлик” Республика болалар расмлар кўргазмасида ўз ёши бўйича II-даражали ва рафбатлантирувчи диплом билан тақдирланган. “Гиёҳвандлик-келажак кушандаси”, “Баркамол авлод” болалар ижодиёти фестивалида иштирок этиб, биринчи ўринни эгаллаган. У ҳозирги кунда инглиз тилини мукаммал ўрганишга киришган. Онасининг сўзларига қараганда, ёзги таътида ҳунар ўрганиб, пазандалик сирларини ҳам узлаштироқмода.

Чинора

МЎЙҚАЛАМ МЎЪЖИЗАЛАРИ

Ҳаётимиз гўзал бир санъат асосида қўрилган. Санъатнинг барча тури инсон тафаккурини, ички кечинмаларини, руҳиятини ифода этади. Буни сўз билан ифодаласак - адабиёт, қоғияга солсак - шेърият, ҳаракат орқали ак эттирасак - рақс санъати, мўйқаламда тасвиirlасак - тасвирий санъат бўлади.

Шундай инсонлар борки, уларнинг ҳаётни ёнг буюк санъат асарларининг яратилишига асос бўлади.

Жаҳон адабиёти трендида бўлган “Дориан Грейнинг портрети” китобини шундай санъат асарлар сирасига киритиш мумкин. Бу асар инсон портрети асосида ёзилган. Китоб Дориан Грейнинг катта портретини тасвиirlab берувчи расомм Базил Ҳаллаврд билан очилади. Албатта, сизда: “Дориан Грей ким?” - деган саволлар туғилиши, шубҳасиз.

Дориан Грей Буюк расомм Базил Ҳаллаврд чизиб, оммага тақдим қилган, бутун машҳур романнинг ёзилишига сабаб бўлган



шахс. У қалбини, бутун борлигини абадий ёшлик учун курбон қўлган тақбуб, айни пайтда ночор ва заиф бир инсон.

Биргина шу инсоннинг портрети романнинг бутун моҳиятини очиб берган ва асар воқеаларини бошқариб турган.

Китобни ўқиганда,

сиз бирваракайга ҳам

мўйқалам, ҳам

ажойиб бир асар билан

танишасиз. Агар асарни ўқисангиз, мўъжизанинг

моҳиятини тўла англайсиз!

Ҳаёт-мўъжизалар

билин гўзал.

Мехрангиз
Давронова,
БухДУ талабаси

Менинг фикрим



ЮРТОШЛАРИМИЗ КАЙТАРИЛСА...
(Турли ихтиомий тармоқларда муҳокамаларга сабаб бўлаётган баҳс-мунозараларга муносабат билдиригим келди)

Биргина юртошнимиз алданиб, турли хориж давлатларида сарсонликда, ҳар бир кунини қийногу азобда ва афсус-надомат чекиш билан ўтказса, бу оғрик – барчамизники! Буни тасаввур қилишнинг ўзи даҳшатли!

Айни кунларда бутун дунёни ташвишга солаётган токли вирус ҳаммамизни хавотирга солмоқда.

Шундай кезларда мен, негадир, чет элларда қолиб кетган юртошларимизни ўйлай бошладим. Уларнинг орасида ўз ихтиёри билан кетганлардан ташқари, алданган, одам савдоси тўрига илинган, тўрт-беш сўм ортиқча пул топгач, лозим бўлса, ўз Ватани ҳақида ноўрин гаплар тарқатганлар ҳам йўқ эмас.

Тўғри, бу – хиёнат! Аммо, уларнинг одам савдосига

бир гап бўлар! – деган ўй билан қўл қовуштириб туриш вақти эмас. Бу кейинги жиноятларга туртаки бўлишини унумтайлик.

Ҳаммамиз ҳушёра ва сергак бўлишимиз лозим. Зеро, онлайн тақбиралик, ҳар бир фуқаро билан масофавий боғлиқлик ҳам катта муаммолар ечими учун мухимдир. Давлат ҳокимияти ва бошқаруви органлари, хуқук-тартибот идоралари мутасаддилари бу борада жиддий ўйлаб кўрадилар, деб ўйлаймиз.

Тахмина Қўзиева,
Коғон шаҳридаги
4-умумий ўрта таълим
мактаби ўқувчиси.

Худуд бўйлаб

Аслида, журналист ҳам оддий инсон. Унинг ҳам дардлари бор! Журналист кимнингдир уй олишига ёрдам берар, аммо ўзи ижарада яшайди. У кимнингдир газ муаммосини ҳал қилас, бироқ ўз ўйида гази йўқ, болалари печка атрофида кўнишибигина ўтиради. Ойлаб қозонида гўшт қайнамайди. Журналистигина ўз дардини ошкор қилишин истамайди. Шунчалар хокисор у. Барчасига сабр-тоқат қилишга ҳаракат қиласди. Аммо сабрнинг ҳам чегараси бор!

Журналистларнинг муаммосини ким ҳал қиласди?!

ЖУРНАЛИСТНИНГ ҲАМ ДАРДИ БОР: УНИ КИМ ЭШИТАДИ?

Шуни ўйладиму, ўзимнинг муаммоимни ёзишга қарор қилдим. 20 йил, деганда қарз олиб, Тошкентдан бир хонали уй сотиб олдим. 5 йил қарз тўладим. 405 минг сўм маошга сабр қилиб ишладим. Ўглим шартнома асосида ўқишга кирди. Шартнома пури 9,5 миллион эди, тўполмадим. Баш мұхарриримизга "Маошимни сабр қўйтириб беринг ёки юйимни ўз номимга "прописка" қилиш учун шикоят ариза ёздим. Кўмита хатимни Ўзбекистон Журналистларни ижодий ўюшмаси ҳамда ИИВга юборибди. Уша йилнинг 12 сентябрьда Уюшма раиси Саъдулла Ҳакимов "...Уюшма ўз ходимларини Тошкент шахрида прописка қилишга тавсия бериш ҳукуқига эга бўлган

2019 йил 8 августида Ўзбекистон Республикаси Хотин-қизлар кўмитаси раиси номига ўйимни ўз номимга "прописка" қилиш учун шикоят ариза ёздим. Кўмита хатимни Ўзбекистон Журналистларни ижодий ўюшмаси ҳамда ИИВга юборибди. Уша йилнинг 12 сентябрьда Уюшма раиси Саъдулла Ҳакимов "...Уюшма ўз ходимларини Тошкент шахрида прописка қилишга тавсия бериш ҳукуқига эга бўлган

идоралар рўйхатига киритилмаганлиги сабаби ушбу масалада Сизга амалий ёрдам беришнинг имконияти мавжуд эмаслиги ни маълум қиласми" деган мазмунда хат юборди. 17 сентябрда эса ИИВ миграция ва фуқаролини расмийлаштириш бош бошкармаси бошлигининг биринчи ўринбосари номидан: ... "Тошкент шаҳри ва Тошкент вилоятида доимий прописка қилиниши лозим бўлган шахслар — Ўзбекистон Республикаси фуқаролари тоифаларининг Рўйхати тўғрисида" ги Қонунга мувофиқ амалга оширилади" деган узундан-узун тоифа рўйхат келди.

Хуллас, биз журналистлар хатда келти-

рилган тоифага сирам яирмаймиз.

...10 йилдан бўён ёзвериб, ниҳоят, 2020 йилда Тошкентдаги ўйимни ўз но- мимга ўтказишига эришдим.

Бироқ, карантин туфайли ишсиз қолиб кетдим. Аммо ҳеч кимдан ёрдам сўрамадим. "Миллий масс-медианини кўллаб-кувватлаш ва ривожлантириш жамоат фондни" ходимлари озиқ-овқат ва ичидаги бир миллион сўм пули бор пластик карта берип кетишид. Журналистлар ижодий ўюшмаси қачон журналистларни ўйлаб, уларни ҳимоя қилас экан?

Журналист жамият ва ҳалқ ўртасида кўприк, миллатнинг суняни ҳисобланади.

Шундай экан, уларга ҳар томонлама қулади шароит яратиб берилиши керак. Масалан, ҳарбий хизматчилар яхши ишлаши учун етарлича имтиёзлар, шароит яратилган. Шу нуқтани назардан, журналистика ҳам давлат ривожи учун мухим соҳа. Шунинг учун ўнинг ҳам маош, прописка, уй-жой каби эҳтиёжларини кўллаб-кувватлаш лозим.

Ҳамкаслариминг муаммоларини ўрганиш учун уларга мурожаат қилдим. Кўпчилиги муаммосини айтишига истихо-ла қиласди. Айримлари эса исм-шарифини очиклантирмасликни сўради.

Хонбиби ҲИММАТ қизи

Наргис Қосимова,
ЎзДЖТУ халқаро журналистика
факультетининг доценти,
журналист:



- Бугунги кунда ОАВ вакиллари Ўзбекистонда ҳимояланмаган. Тўғри, ОАВ тўғрисида кўплаб қонунгизни ўзарни ишлайди. Уларда жимжимадор қилиб журналистларнинг қонун ҳимоясида эканлиги ёзилган. Аммо амалда эса ... Журналист сурнштирувни олиб борган, жамиятимиздаги мавжуд иллатларни очиб ташлаётган ҳамкасларимизни бош мұхаррирлар ҳимояга олишдан кўра, уларни "уз аризасига кўра" ишдан бўшатишни маъқул кўришади. АҚШ, Германия, Швеция, Сингапур каби давлатларда журналистларнинг ҳукукий ҳимояси билан улар аъзо бўлган ўюшмалар шуғулланади. Албатта, уларнинг ҳар бир давлатда номланиши турлича, аммо Ўзбекистонда мавжуд Журналистларни ижодий ўюшмаси,

нафақат, журналистларни ҳимоялаш, балки уларга ҳеч бўлмагандан, қийин вазиятга тушганида ҳукуқига ёрдам ҳам бера олмайди. Бу ижодий ўюшмаларининг вилоят бўйлимлари фаолияти ҳақида эса гапирмай ҳам кўя қолайлик! Негадир, ўз фаолиятини фақатгина "Олтин қалам", "Ийлинг энг фаол журналисти" танловларини ўтказишидан иборатгина, деб билишади. Фалон пулгаг адвокат ёллай олмаган, ўз таҳриридан ёрдам кута олмаган журналист нима қўисин? Бошини қайга урсинг?! ...Жамиятнинг йиринглаб бораётган яралари эса, тобора катталашаверади...

Л.М.:

Мамлакатимизда журналистика, айниска, босма нашрлар келажаги иқтисодий муаммолар "қаъри"га сингиб кетаяти. Чоп қилиниш ададининг камайиб кетаётгани янам оғрикли. Газетачилик соҳасида ишлайман, ўзим ижарада турман. Олдаган маошим ижара тўловигаям етмайди. Журналистлар маошини ошириш зарур. Нина билан кўдук қазиимиз, аммо моддий тарафлама кўллаб-кувватланишга муҳтожмиз. Ўйда етишмовчилик.



Шу боис, болаларимизни, ҳатто, мусиқа мактабига беролмаймиз. Ўз оиласи ташвиши муаммоларидан баъзан ортиб-ортмайдиган журналистлардан нима кутиш мумкин?

Барно Султонова,
"Xabar.uz" мухбири:

- Нолиши ёмон кўраман. Аммо бу ёзганларимни нолишига йўйманг. Касбимни яхши кўраман. Қайси таҳририят мақола сўраса, жон, деб қарашаман. Ҳаммасининг қалам ҳақини кўшганда, 200 мингга ҳам бормайди. Санъаткорлар бир тўйга бориб оғзини қўмирлатмай, миясини ишлатмай, иззат-хурмат оғушида 100 доллардан 500 долларгача ишлайди. Шифокорга бориб, тиш даволатаман, дессангиз бир тишни 80 мингга даволайди. Журналист эса кўпинча бир кунлик йўлкираю, бир кунлик тушлика етадиган



қалам ҳақи учун жонини жабборга бериб ишлайди.

Мен шаҳардаги иккى хонали ўйимизни, ҳамкасб дугонам эса, бир хонали ўйини сотиб, ер олиб курилиш бошлаганимизга 5 йилдан ошиди. Томи ёпилганига шукр қилиб ўтирибмиз. Ахир ижарада яшаётган, ўйи йўқ

ҳамкасларим олдида нолисак, уят бўлар.

Баъзида қўйналган одамларнинг ахволини кўриб, кўзимизга ўш келади. Қандай қилиб ёрдам берсан экан, деб ўйланиб сиқиламиш. Ўзимизнинг ахволимиз ҳам уларнидан кам эмаслигини, ҳатто, ўйламаймиз ҳам. Ўйлаганимизда ҳам биз бошқалар учун жон куйдирганимиздек жон куйдирдиган яна ким ёки қайси касб эгаси бор? Охири тежамкорликни касб қилиб оламиш.

Мусулмончилик аста-секин, дейишиади. Матбуотда ишлаётганимга эндиғина 20 йил тўлган бўлса, бир куни бутларман ўша ҳовлини... (кулиб)

Анора Содиқова,
ЎзА мухбири:

- Мен журналист сифатида эркинликдан, тўғрироғи, эркин фикр билдира олишдан бошқа нарсага муҳтож бўлмаганман. Журналистларни имтиёзли уй, прописка ва бошқа моддий кўлловларга даъвогарлик қилишига кўшилмайман. Ўй-жой, ойлаб қозонда гўшт

қайнамаслиги масаласи — бутун бошли ҳалқимизнинг муаммоси алоҳида журналист елкасида, деб қарамаган бўлардим.



САНЪАТКОРМИ, САНЪАТХОРМИ! Бир қўшиқ тинглаб...

Оиламиз билан "Наво" каналини кўйиб, қўшиқ тинглабнамизда, ўш хонандардан бири экранга чиқиб қолди. Очиги, исми-шарифини ўқий олмадик, унинг сўзларини эътиборингизга ҳавола қиласман:

"Айт-чи бормиди бошима шундай саводлар?
Рашк атамлиши бедаво дарддек битмас ғавоголар.

Кўнгил бир сани билсао, ўзгани демаса, ғиди-биди қиласверма, гўзалим, сан оббў.

Эй, сўзи ширин, қоши қалам,
Сана ошиқман қайданан.
Эзмаланма, оббў, эркаланма, оббў.
Лаблари қулупнай, мани ғўзалим,
Ойданам гўзалсан, оббў,
Бунча инжиқсан, оббў..."

Сизнинг-ча, эфирга узатилган бу қўшиқнинг сўзларини шеър деса, бўладими?

На маъно, на мазмун бор! Ёки ҳозир замон ўзгарган, санъатдаги мантиқ бемаънилик билан ўрин алмашганими? Оддий ўқувчи, кишилос боласи сифатида "ғиди-биди", "оббў", "эзмаланма, эркаланма", "инжик" сўзларини, "лаблари қулупнай" ўхшатмаси ни эшишиб, ҳам кулдим, ҳам йигладим.

Агар шуни шеър, деб бўлса, ўша шеърни ёзган шоирнинг, қўшиқни ҳалқقا тақдим этган телевидениенинг, эфирга узатишга лойик, деб қарор чиқарган мұхаррирнинг ёки бадиий кенгашнинг устидан кулгим келди.

Ўзбек санъатининг, хусусан, эстрадасининг эртаси шу бўлса, яхшиси, қўшиқ эшифтаганим маъқулмикан, деб кўнглім бехузур бўлди, йигладим.

Шу ўринда, байзи қўшиқнilarга иқтидорингиз етса, санъаткор бўлманд, дегим келди. Ҳалқимиз миллионлаб пул ҳаржлаб олинаётган клиплардаги бетайинликни кўришни эмас, қўшиқ тинглашни хоҳлади. "Оббў"га ўхшаш қўшиқлар ўнлаб, юзлаб топилади. Бу жуда ачинарли.

Маънавият аҳли, маърифатчилар, кенг жамоатчилик нега жим? Катта ўшдаги масъуллар кўплаб савиясиз қўшиқларни, ахлоқсиз клипларни эфирга узатиб қўйишади-да, яна "Ёшлар одобсиз, ёшлар тарбиясиз" - деб бонг уришади. Афсуски, ёшлар тарбиясидаги нуқсонларнинг ортиб бораётганида ҳам телевидениенинг, ҳам маза-матрасиз қўшиқ ва клипларни эфирга



узатилишига рухсат берадиган катталарнинг ҳиссаси бор. Санъаткорлар ёшларга кулиг эмас, ўрнак бўлиши мухим.

Ёрқинжон ҲАЙИТБОЕВ,
Гулистан давлат универсiteti талабаси.



TUNGI REYD

Reyd davomida tungi 22:30 da tumandagi "Mustaqillik" mahalla fuqarolar yig'ini hududida joylashgan "Чёрный квадрат" diskobarining 13 nafar mijozga xizmat ko'rsatgani aniqlangan.

“ЧЁРНЫЙ КВАДРАТ”ДАГИ

Buxoro tumanida huquq-tartibot idoralari xodimlari tomonidan karantin davrida faoliyat cheklanganiga qaramay, "Чёрный квадрат" nomli tungi klub yashirin tarzda ishlab turgani fosh etildi.

Buxoro tuman IIB boshlig'i o'rinosari, podpolkovnik M.Mustafoevning ma'lum qilishicha, Buxoro tuman ichki ishlar organlari faoliyatini muvofiqlashtirish boshqarmasi xodimlari tomonidan tumanda karantin tartib-qoidalariga amal qilinishi yuzasidan tungi "reyd" o'tkazilan.

Reyd davomida tungi 22:30 da tumandagi "Mustaqillik" mahalla fuqarolar yig'ini hududida joylashgan "Чёрный квадрат" diskobari 13 nafar mijozga xizmat ko'rsatgani aniqlangan.

Yashirin tarzda mijozlarga xizmat qilayotgan "Чёрный квадрат" "tomosha"lari fosh bo'lgach, ichki ishlar xodimlari tomonidan talab qilinishiga qaramay, klub egalari bir soatga yaqin vaqt davomida

eshikni ochmagan. Tadbir davomida qonunga muvofig choralar qo'llagan holda ichkariga kirishgan.

Klubda yosh yigit-qizlarning beo'xshov kuy-musiqalari ostida ovqatlanib, chilim chekayotgani oydinlashgan. Ular orasida voyaga yetmaganlar ham bo'lgan.

"Чёрный квадрат" tungi klubining rahbari 46 yoshli Q.B. uni 26 yoshli ayol G.I.ga vaqtincha foydalanishi uchun ijara bergan. Oghlanlirishlarga qaramay, karantin davrida ham mijozlarga xizmat ko'rsatgan G.I.ga nisbatan O'zbekiston respublikasi MJtKning 54-moddasi (Epidemiyalarga qarshi kurash qoidalari) buzish 2-qismi (fuqarolarga bazaviy hisoblash



“TOMOSHALAR”GA CHEK QO'YILDI


miqdorining yigirma baravaridan o'ttiz baravarigacha, mansabdor shaxslarga esa — o'ttiz baravaridan ellik baravarigacha miqdorda jarima solishga sabab bo'ldi). 13 nafar mijozga nisbatan esa shu muddaning 1-qismi (bazaviy hisoblash

miqdorining besh baravarigacha miqdorda jarima solishga sabab bo'ldi), bo'yicha ma'muriy bayonnomal rasmiylashtirilgan.

Buzg'unchilikni targ'ib qiluvchi: "Чёрный квадрат" tungi klub devorlaridagi beo'xshov hamda buzg'unchilikni targ'ib qiluvchi

suratlар nigohimizda bo'ldi. Bunday suratlар har qanday mijozning ongida g'arb madaniyatini singdirishi ehtimoldan xoli emas. Klubning nomlanishidan tashqari, bunday g'arbona suratlар туман mutasaddilari nazaridan chetda qolgan ko'rindi.

BOSHQOTIRMA



Savollar

Eniga: 1. Uyg'otgich 4. Aleksandr Makedonskiyga qarshi mardonavor kurashgan xalqımız qahramoni 9. Sotib oluvchi kishi 10. Xalil ibn Ahmad asos solgan she'riy tizim 11. Uy bekaları ishxonasi (hazil) 12. Qo'shiqning takrorlanadigan qismi 13. Faoliyat uchun xizmat qiladigan narsalar 16. Xorazmcha qo'shiq 18. Qur'on Makkadagi qaysi g'orda nozil bo'lgan 19. Foydasiz, behuda, natijasiz 22. Rais ayol 24. Qorbobo yordamchilari 29.G'am, qay'u 30. Uzun oyoqli qushlar turkumiga mansub, tumshug'i va yoq'ig' uzun katta qush 31. Futbolda 11 metrik jarima zarbarasi 32. "Qutadg'u bilig" assari qahramoni 33. Yuksalish nuqtasi, yuqori nuqta 34. Rasul Hamzatov millati

Bo'yiga: 1. Sharob, may 2. Usiz dunyo betarib dunyo (Sichqon ovlovchilar) 3.Tanbur va sato chalish uchun ishlatalidigan maxsus metal moslama 5.Haddidan oshish (eski turkiy til) 6. Turma , qamoqxona 7. Yuridik ahamiyatga ega bo'lgan huquqlar va voqe-a-hodisalarini tasdiqlovchi davlat organlari tizimi 8. Qadimgi Yunonistondagi g'alaba xudosi 13. 100 yillik 14.Sutemizuvchi itsimonlar oilasiga mansub yirtqich hayon 15.Buxoroda tashkil qilingan raqs ansambl 16. Ispaniya futbol jamoasi 17. Vir yori 20.Asalari zoti 21.Ozod Sharofiddinov qaysi jurnalda bosh muharrir o'rinosari bo'lib ishlagan 23. M. Gorkiy nimani "Aloqlar, qarama -qarshiliklar, u yoki bu xarakterning o'sishi va tashkil topish tarixi" , - deb ataydi 25. Indoneziyadagi orol 26. Lososimlonlar oilasiga mansub ,tug' suvlarida yashaydigan xoldor baliq 27. Qo'l (qadimgi turkiy tilida) 28. Yetishish umidi, umidvorlik

Boshqotirmani Sunnat Mamanazarov tayyorladi.

E'lon



Buxoro viloyati yuridik texnikumida ta'lim olish istagida bo'lgan yoshlar diqqatiga!!!

2020-2021 o'quv yili uchun
11-sinf bitiruvchilarini kunduzgi va sirtqi yo'nalishlar bo'yicha O'qishga qabul qilamiz.

Texnikumda yurisprudensiya yo'nalishining quyidagi mutaxassisliklari tayyorlanadi.

— Davlat huquqiy faoliyati

— Yuridik xizmat faoliyati

— Sud-huquqiy faoliyati



Yuridik Texnikumni muvaffaqiyatlari tamomlagan bitiruvchilar Toshkent davlat yuridik universitetiga kirish imtiyonlarsiz yakka tartibdagi suhbat orqali 2-kursdan o'qishini davom ettirish imkoniyatiga ega bo'ladi.

Texnikum bitiruvchilar 89 ta mutaxassisliklarda mehnat faoliyatini olib borishlari mumkin.

Manzil: Buxoro shahri,I.Karimov ko'chasi ,4-uy.

Telefonlar: +99865 223 72 22
+99865 221 21 92
+99893 654 34 84

МУАССИС:
ЎЗБЕКИСТОН ЁШЛАР
ИТТИФОҚИ БУХОРО ВИЛОЯТИ
КЕНГАШИ

БОШ МУХАРРИР:
Лайло ХАЙИТОВА

Газета Бухоро вилояти Матбуот ва ахборот бошқармаси томонидан 2017 йил 15 декабрда 05-081 тартиб рақами билан рўйхатга олинган.

ТАҲРИР ҲАЙЪАТИ:

Шерзод ТИЛАВОВ
Жамол НОСИРОВ
Мирали ҲАМРОЕВ
Гулнора САМИЕВА
Ҳамза РЎЗИЕВ
Шерзод АШУРОВ

ТАҲРИРИЯТ МАНЗИЛИ:

Бухоро шаҳри, Алишер Навоий кӯчаси, 20-уй.
@by_gazetasi

ТАҲРИРИЯТ ХИСОБ-РАҶАМИ:
2021000404114165001 "Агробанк"
Бухоро шаҳар филиали, МФО:
00089, ОКОНХ: 87100, СТИР: 203590296
Нашр кўрсаткичи: 3051

**САҲИФАЛОВЧИ
ДИЗАЙНЕР:**
Хуршид АБДУЛЛАЕВ

ISSN 2181-6557



Газета "Buxoro bosmaxonasi" МЧЖда 1090 нусхада босилди.

Босмахона манзили:
Бухоро шаҳри, И. Мўминов кўчаси, 27-уй
Тел: (0365)223-25-38

Навбатчи: Ситора ШАМСИДДИНОВА

Хажми 2 босма тобок. Қоғоз бичими А-3. 473 -буюртма.
Топширилди — 10:00. Чоп этиш вақти: 11:00
Бахси келишилган нархда 27.07.2020 йил

www.buxoro-yoshlari.uz сайтси орқали биз билан бирга бўлинг.